

Abortoaren aurkako epaiketa handia atzeratu egin du Malagako Entzutegiak

Fiskalak 91 urteko zigorra eskatzen du ginekologoentzat eta erizainentzat

Malagako Entzute-giak atzeratu egin zuen atzo abordoak egiteagatik 34 lagunen aurka atzo hastekoa zen epaiketa, 15 akusatu ez baitziren epaiketa aretora agertu. Akusatuaren artean dagoen ginekologo batek, German Saenz de Santamariak, abortatzeko laugarren baldintza indarrean jartzeko eskatu du, halako epaiketa gehiago izan ez dadin.

Efe / Malaga

FISKALAK eta defentsako abokatuek ontzat hartu zuten epaiketa atzeratzea, akusatu guztiak bertan direla egin behar dela uste baitute. Epailleak iragarri duenez, epaiketarako berriz data jartzen denean epaitegira agertzen ez dena bilatzeko eta atxilotzeko agindua emango du. Felix Lopez epaile buruak bere erabakiaren berri eman zuenean, akusatutako emakume batek epilepsia atake bat izan zuen eta larrialdi zerbitzura eraman behar izan zuten.

Abortoa dela-eta egingo den epaiketa handi honetan 1986ko azaroko gertakizunak epaituko dira. Fiskalaren arabera, German Saenz de Santamaria eta Luis Alberto Stolzemburg ginekologoek eritexte pribatuak 22 aborto eta saio bat egin zituzten, horrelako ebakuntzak egiteko baimenik ez zuten arren. Lehenetik abordoak egiteagatik zigortu eta indultatutako ginekologo horiez gain, Ernesto Rittwagen sendagilea, garai hartan medikuntza ikasle zen Valero Antonio Enfedaque eta klinikako lau langile eseriko dira akusatuaren aulkian. Fiskalak guztira 741 urteko



German Saenz de Santamaria ginekologoa, epaitegiaren kanpoaldean, Cristina Alberdi PSOEkoarekin hizketan. RAFAEL DIAZ / EFE

espetxe zigorra galdegiten du akusatuentzat. Sendagile eta erizain bakoitzarentzat 91 urte eta zortzi hilabeteko zigorra eskatzen du, eta sei hilabetekoa abortatu zuten emakumeentzat eta haien senarrentzat.

Epailleak data finkatu eta epaiketa hasten denean, defentsako fiskalek judizioa bertan behera uzteko eskatuko dute berrito, instrukzioan hainbat irregulartasun izan direla argudiatzen baitute. Hain zuzen ere, abokatuek uste dute Poliziak epailearen baimenik gabe entzuketak egin zituela Saenz de Santamariaren klinikan eta haiei esker atxilotu zituztela hainbeste emakume.

Atxilotua izan eta 20 egunera, PSOEko gobernuaren dekretu batek Malagako eritextean abordoak egiteko baimena eman zuen.

Abordoak pribatuan

DUELA 12 urte indarrean jarritako abordoaren lehen legearen arabera, honako hiru baldintza hauetako bat bete behar da lege barruan abortatu ahal izateko: haurdunaldia bortxaketa baten ondorio izatea, umekiak malformazio fisiko eta psikikoak izatea edo haurra edukitzea amarentzat arriskutsua izatea. Baldintza horien artean, amarentzat arriskutsua izatea da gehien erabili ohi dena: kasuen % 90etik gora dira horrelakoak. Abordoaren aldeko taldeek eskatzen dute edozein emakumek abortatzeko erabakia hartzeko eskubidea izatea. Aborto librearen antzeko ondorioa izango lukete PSOEek eta IUk Kongresuan egindako lege propo-

samenek. Haien arabera, amak abortatu ahal izango luke haurra edukitzeak «arazo familiarra, soziala eta ekonomikoa» ekarriko balio.

PSOEek, laugarren baldintzan, ebakuntza amak ordaintzeko eskatzen du; IUk, aldiz, dohaiarik izatea nahi du. Eztabaida honek ez du, hala ere, zentzu handirik, gaur egun abordoaren % 93 eritexte pribatuaren egiten baitira. Ospitale publiko batean abortoa egitea oso zaila da, sendagile kontserbadoreek egiten duten presioaren ondorioz. Aborto kopuruari buruzko datu ofizialek egiaztatzen dute urtez urte igotzen doala. 1994ko azken datuen arabera, 45.000 aborto izan ziren. X

laburrean

■ Roldanen epaiketa ez da Entzutegi Nazionalean egingo

MADRILGO Entzutegi Pro-bintzialak ez du onartu Luis Roldanen aurkako epaiketa Entzutegi Nazionalera eramatea, Guardia Zibileko zuzendari ohiari leporatzen zaizkion delituak epaitegi arruntan epaitzekoak direla uste baitu. Roldanen abokatuek eskatu zuten epaiketa Entzutegi Nazionalera eramateko eta, hortaz, atzeratzeko. Eskaera atzera bota denez, Roldan datorren asteartetik aurrera epaituko dute. Fiskalak 45 urteko espetxe zigorrá eta 4.500 milioi pezetako kalteordaina eskatzen du akusatu nagusiarentzat. X

■ Esne sektoreak prezioari buruzko akordioa lortu du Frantzia

FRANTZIAKO esne ekoizleek eta industriak akordioa lortu dute prezioari buruz. Philippe Vasseur Laborantza ministroak atzo jakinarazi zuenez, lau hilabetearen prezioa ez da jaitsiko. Esnearen industriak onartu egin du hurrengo lau hilabeteetan prezioa ez gutxitzea, baina ordainean banatzaileek —saltokiek— diru gehiago pagatu beharko diete produktu beraren truke. Esne ekoizleek 30en bat banaketa zentro blokeatu zituzten joan den astean, prezioak etengabe beharera doazela salatzeko. X

■ PPK CiUren aurkako botoak eman ditu Katalunian

KATALUNIAKO Legebiltzarreko PPKo diputatuak CiUren aurkako botoa eman zuten atzo hiru alditan. PPKo buruek gezurtatu egin zuten oposizioarekin bat egitea lotuta zegoenik herenegun Kongresuan izandako bozketarekin. Kongresuan, Convergenciako diputatuak abstenitu egin ziren izatezko bikoteentzat lege bat eskatzen zuten proposamenaren, eta PPKoak, berriz, aurka azaldu ziren. PPK eta CiUk bata besteari egotzi diote konpromisoak ez betetzea. X

■ Ustez gazte bat jo zuten lau 'skinhead' atxilotu dituzte

MAIATZAREN 3an, Madrilgo Arguelles auzoko taberna batean, 22 urteko gazte bat gogor jipoitzeaz akusatu dituzte azken egunotan atxilotutako lau 'skinhead' ultraeskuindar. Kaskamotzak 17 urtetik 20ra bitartekoak dira, eta biktimak «le luzea zuelako» jo zutela onartu dute. Eraso-tzaileek eskaladarako mosketoi bat erabili zuten gaztea jipoitzeko eta sudurreko hezurak eta begi ingurukoak hautsi zizkioten. X



France Telecomen pribatizazioa koloka

Alain Juppereko gobernuak ekainaren 5ean ekin nahi zion France Telecomen pribatizazio prozesuari. Juppek telekomunikazio talde publikoaren akzioen % 49 saldu nahi zituen, 30 eta 50 miliar liberekin truke. Usteak, ordea, agian ustel izango dira, ezkerak igandean hauteskundeak irabazten baditu pribatizazio prozesua geratuko delako. Lionel Jospin sozialistak agindu du, gobernuburu bada, erabakia berriz aztertuko duela eta erreferenduma egingo duela langileen artean. France Telecomen beharginek ez dute, oro har, pribatizazio prozesua nahi, eta horren aurka protestatzen jarraitzen dute. Argazkian ageri denez, Sud sindikatuko kideek Parisko Bertsako kanpoko hesia zeharkatu zuten, baina ezin izan ziren egoitzara sartu.